



Broj, 01-07-10-25-2/2025
Sarajevo, 7.1.2025. godine

Na osnovu čl. 25. stav (1) i čl. 26. st. (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Zlatana Latifovića, [REDACTED] [REDACTED] od 30.12.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama o statusu predmeta Ureda disciplinskog tužioca Visokog sudskog i tužilačkog vijeća Bosne i Hercegovine broj [REDACTED].

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 30.12.2024. godine zaprimilo zahtjev Zlatana Latifovića, [REDACTED] [REDACTED] (u daljem tekstu: podnositelj zahtjeva) za pristup informacijama kojim je, između ostalog, od Ureda disciplinskog tužioca (u daljem tekstu: UDT/Ured) VSTV-a BiH tražena informacija o statusu predmeta upućenog Uredu, a koji se odnosi na sudiju H [REDACTED] B [REDACTED].

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje informacije navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu dokumentaciju, utvrđeno je da je UDT VSTV-a BiH imao formiran predmet upućen od strane podnosioca zahtjeva, koji je registrovan pod brojem UDT DI 014244 24 i odnosio se na Općinski sud u Tešnju. Nakon provjere navoda pritužbe, ista je odbačena dana 16.12.2024. godine, a o čemu je podnositelj pritužbe obaviješten dopisom od 17.12.2024. godine. Prema povratnici koja je evidentirana u spisu predmeta, dopis je zaprimljen dana 19.12.2024. godine.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog. Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.

Predsjednik
[REDACTED]
MP Halil Lagumdžija

Dostavljeno:

1. Podnositelju zahtjeva
2. Uredu disciplinskog tužioca
3. U spis